

CAPUT VII

DE SACRAMENTO PÆNITENTIÆ ABSOLUTIONIS FORMA COMMUNIS

I Cum Sacerdos pænitentem absolvere velit, iniuncta ei prius, et ab eo acceptata, salutari pœnitentia, primo dicit:

Misereártur tui omnípotens Deus, et dimíssis peccátis tuis, perdúcat te ad vitam ætérnam. Amen.

Deinde dextera versus pænitentem elevata, dicit: Indulgéntiam, absolutiōnem, et remissiónem peccatórum tuórum tríbuat tibi omnípotens et misericors Dóminus. Amen.

Dóminus noster Iesu Christus te absolvat: et ego auctoritéte ipsíus te absolvó ab omni vínculo excommunicatiónis, suspensiōnis, et interdícti, in quantum possum, et tu índiges. Deinde ego te absolvó a peccátis tuis, in nómine Patris, et Fílli, **†** et Spíritus Sancti. Amen.

Si pænitens sit laicus, omittitur verbum suspensiōnis.

Pássio Dómini nostri Iesu Christi, mérita beátæ Maríæ Vírginis, et ómnium Sanctórum, quidquid boni féceris, et mali sustinúeris, sint tibi in

DE SACRAMENTO PÆNITENTIÆ

91

remissióne peccatórum, augmén̄tum grátiæ, et prém̄tum vitæ ætérnæ. Amen.

2 Iusta de causa omitti potest Misereártur, etc., et satis est dicere: Dóminus noster Iesu Christus, etc., ut supra, usque ad illud: Pássio Dómini nostri, etc.

3 Urgente vero aliqua gravi necessitate in periculo mortis, Sacerdos breviter dicere poterit:

Ego te absolvó ab ómnibus censúris et peccátis, in nómine Patris, et Fílli, **†** et Spíritus Sancti. Amen.

NOTA

4. Ex pia consuetudine confessarius pænitenti benedicere solet ante confessionem his verbis:

Dóminus sit in corde tuo et in lábiis tuis, ut rite confiteáris ómnia peccáta tua in nómine Patris, et Fílli, **†** et Spíritus Sancti. Amen.

FORMA CONCEDENDI IN FORO INTERNO DISPENSATIONEM SUPER IMPEDIMENTO MATRIMONIALI

5. Dispensatio super impedimento matrimoniali pro foro interno *voce* conceditur in tribunali post confessionem sacramentalē. Determinata dispensationis formula non præscribitur. Itaque Confessarius his vel similibus verbis uti poterit:

Insuper (*si absolutio sacramentalis concessionem dispensationis in tribunali præcedat*), auctoritéte Apostólica mihi commíssa, dispénso tecum super

impedimento (*tale*) ut, eo non obstante, matrimonium inire (*si iam contractum sit: denuo inire*) valeas. In nomine Patris, etc.

FORMULA BREVIOR BENEDICTIONIS PAPALIS CUM
INDULGENTIA PLENARIA
pro Tertiariis sacerdularibus speciale indultum
habentibus

6 Si haec indulgentia immediate post sacramentalem absolutionem impertatur, et si adiuncta vetent integrum adhibere formulam Sacerdos, reliquis omissis, dicere poterit

Auctoritate a Summis Pontificibus mihi concessa plenariam omnium peccatorum tuorum indulgentiam tibi impetrat. In nomine Patris, et Filii et Spiritus Sancti.

R. Amen.